

տրոսին գտի զմեկնութիւն Յովհաննու աւետարանին երկաթագիր 600 ամաց, զոր արարեալ է նանայի ասորոց վարդապետի, և ապա թարգմանեալ ի հայո: Եւ կարծէի թէ այն էր պարոն աղասիին, բայց այն է հէքիմ ծառուրին, զոր և ետ ինձ առաքել ի վանս, և ես ետու ովսանային բերել ընդ իւր: Բաց յայսմանէ ետ ինձ հէքիմ ծառուրն զխորհրդաւ տետր մի ձեռագիր իբր 500 ամաց, բայց ոչ կամեցաւ առաքել զայն ի վանս, զի գուցէ (ասէ) գնացեալ իմ ի վանս՝ տաց զայն ձեռամբ իմով: Ի գնալն մեր ի լիբանան գտաք առ հայ կրօնաւորս զմեկնութիւն մատթէի աւետարանին ողջոյն անսխալագիր, զոր արարեալ է ներսէսի շնորհալոյն. և այն էր գրեալ ի վաղուց: Բագում ակննատեսք պատմեն, թէ բագում ձեռագիրք են ի վանս, որ ի լեռան պշնոյ յերկրին երևանոյ, և ի լերինն աղբատոյ, և յայլեայլ տեղիս, մանաւանդ ի վանս ճուղայու: Ասեն բագումք թէ կաթուղիկոսն հայոց տպարան է բացեալ յէջմիածին՝ տպել զպատմագիրս հայոց, նաև զայլ գրեանս:...

Որպէս գրեալ եմ յայլ թուղթս եկն ի պատրա վարդապետ մի ի նախավկայի վանուց որ ի հին ճուղայ, և ժողովեալ աւելի քան 400 թուման սաղտ փող՝ թող զայլ պէտպէս ոսկեղէն և արծաթեղէն զարդս, կամեցաւ գնալ ի ճուղայ նոր: Պարոն Ատեփաննոսն ասաց ինձ, եթէ կամիս գրեալ զգիր մի առ առաջնորդն ճուղայու առ մկրտիչ վարդապետն, զի գտեալ ի ճուղայ զձեռագիր պատմագիրս առաքեսցէ այսր. քանզի բագում պատմագիրք գտանին անդ: Եւ ես յանձն առեալ գրեցի զգիր մի խրթին յոյժ, զորոյ օրինակի առեալ պարոն ստեփաննոսն եցոյց միում ի հայոց՝ թէ զայս գտի ի հին ձեռագիրս: Իսկ նորա զարմացեալ ընդ խրթնութիւն նորա, ասէ՝ թէ զայս գիր գրեալ է նարեկացին, կամ այլ ոք ի նախնի հարց հայոց: Իբրև ասաց նմա պարոն ստեփաննոսն, թէ զայս գրեաց վարդապետն մեր, տտէ, այս առաւել է քան զամենայն:... Բայց թուղթն ոչ գնաց ի ճուղայ, զի փոխեցաւ միտք վարդապետին չերթալ ի ճուղայ:...

Յամի տեառն 1770 ի մայիսի 11
 ի Պատրա

Նուստ ծառայ
 Հ. Միքայէլ Չամչեանց

ՄԼԵ.

Կարևոր տեղեկագրութիւն մ'է՝ Անտոնեան Միարանութեան այս թուականիս մէջ անցուցած կեանքին շուրջ:

Գերապատիւ արքայապետ և արքայապետուհի Ստեփաննոս յարունապետի համբարիւ աչոյն ողջոյն ի Քրիստոս

Յաւուրս յայտոսիկ եկին երկու կրօնաւոր քահանայք ի լեռնէն լիբանանու. անուն մեծին անդրէաս, և անուն միւսոյն մատթէոս. սոքա եկեալ ի պատրա ի յունիսի 6 գնացեալ էին առ կուռնելիոս եպիսկոպոսն: Իսկ նորա ազգ արարեալ ստեփան աղային ասէ, ես չունիմ սոցա տեղի, ուր դիցուք զնոսա. եթէ կամիս՝ իջցեն ի տան քում առ վարդապետին: Եւ նորա առաքեալ զորդի իւր զաղայ պետրոսն առ եպիսկոպոսն՝ ասէ. նախ հարցուք զվարդապետն. եթէ հաճոյ իցէ նմա, գնացցեն անդ: Եւ աղայ պետրոսն (որ է ամաց չորեքտասանից) առանց ծանուցանելոյ ինչ՝ առեալ երբ գնոսա ի տուն իմ: Եւ ես բագում մարդասիրութեամբ ընկալայ զնոսա, և հանգուցի զնոսա՝ հոգացեալ զամենայն պիտոյս նոցա. և որ ինչ էր ի ձեռին իմում արարի նոցա և առնեմ ճշմարիտ և անկեղծ սիրով. և ետու ևս նոցա զտասն պատարագիս:... Ծանուցին ինձ զվախճան զալստեան իւրեանց, այսինքն է ժողովել զգրամս ի պէտս վանաց իւրեանց, և ի վճարումն պարտուց իւրեանց: Հինգ ամօք յառաջ (ասաց Հ. Անդրէասն) ես, և հայր արքահամս առաքեցաք ի մեծաւորաց մերոց և ի կաթուղիկոսէն յայս վախճան. հայր արքահամս գնացեալ ի հնդկաստան և ես յայլ կողմանս. և յետոյ առեալ ընդ իս զհայր մատթէոսն եկի ի պաղ-